

ia ki te moni kia kaua e neke atu i te kotahi pauna mo te hara tuatahi, kia kaua e neke atu i te rua pauna mo te hara tuarua a ki te hara i muri iho e ahei ana kia whakakoreia tona raihana.

- (6.) E kore e, pai kia tukua tetahi tamaiti Maori, kaore nei ano i eke nga tau ki te tekau ma rima, kia purei pirio te i roto i tetahi whare pirio te whai raihana, a mehemea ka kitea e purei ana i reira, ka ahei kia whiua te tangata i a ia te raihana, te tangata ranei e tiaki ana i te whare pirio te, ki te moni kia kaua e neke atu i te rima pauna mo te hara tuatahi, a mo te hara tuarua ka ahei te Kaunihera ki te whakakore i te raihana.
- (7.) Ki te hiahia kia whakapoutia te raihana me tuku mai te tonu i mua atu o te wa e mutu ai te mana o te raihana.
- (8.) Ko te tamaiti Maori kaore nei ano nga tau i eke ki te tekau ma rima e kitea ana e purei pirio te ahakoa i hea, ka ahei kia whiua ki te moni kia kaua e neke atu i te rima hereni mo te hara tuatahi, kia kaua e neke atu i te kotahi pauna mo te hara tuarua, kia kaua e neke atu i te kotahi pauna mo te hara tuatoru mo ia haranga ranei o muri iho.
- (9.) Ko te tangata nana tetahi whare pirio te, teepu pirio te ranei i roto i tetahi kainga Maori, a ko te tangata Maori nana tetahi whare pera, teepu pera ranei i tetahi atu wahi i roto i te takiwa haunga ia nga taone (engari nga rota Maori i roto i tetahi taone Maori) me nga kainga Pakeha, mehemea kaore ia i whiwhi i te raihana a te Kaunihera, ka ahei kia whiua ia ki te moni kia kaua e neke atu i te rua tekau ma rima pauna.
- (10.) Ko te tangata e kitea ana e purei moni ana, ahakoa he purei kaari ko etahi atu takaro ranei (haunga ia te pirio te ki nga wahi i ata raihanatia) i roto o te rohe o tetahi kainga Maori, ka ahei kia whiua ia ki te moni kia kaua e neke atu i te tekau hereni mo te hara tuatahi, kia kaua e neke atu i te kotahi pauna mo te hara tuarua, kia kaua e neke atu i te rua pauna mo ia haranga o muri iho.
- (11.) Ko te tangata nana tetahi whare, o noho ana ranei i roto i tetahi whare i roto i tetahi kainga Maori, mehemea e tukua ana e whakaaetia ana ranei e ia te purei moni (haunga ia te pirio te ki nga wahi i ata raihanatia) ki roto i taua whare, ka ahei kia whiua ki te moni kia kaua e neke atu i te kotahi pauna mo te hara tuatahi, kia kaua e neke atu i te rua pauna mo te hara tuarua, kia kaua e neke atu i te rima pauna mo ia haranga o muri iho.

(N.) **NGA KOMITI MARAE.**

67. Ka ahei te Kaunihera ki te tuku i katoa i tetahi ranei o ona mana i raro i nga tikanga whakahaere kua whakatakororia ake nei, ki tetahi Komiti Marae, a hei roira ka whaimana taua Komiti ki te whakahaere i aua mana i roto i tona kainga.

Ka ahei te Komiti Marae ki te whiua ki te whaina mo te takahanga i tetahi tikanga whakahaere, engari mehemea ki te kore e utua taua whaina i roto i te takiwa i whakaritea ai, me tuku atu e te Tiamana o te Komiti te whakaatu o taua takahanga me nga kupu whakamarama o te take me te korenga i utua te whaina, ki te Tiamana o te Kaunihera.

68. Ma te Kaunihera e whakarite he whaina mo nga paero kaore i whakahuatia te whaina.

KUPU APITI.

Ki a [Ingoa]. Ahua A.
[Kainga].

TENA KOE: He tono atu tenei ki a koe kia whakapaia, kia meatia ranei e koe kia whakapaia to whare i roto i nga ra e i muri iho i te taenga atu o tenei panui ki a koe. A he whakapoutia atu tenei ki a koe, mehemea, i muri iho i te taenga atu o tenei panui ki a koe, ka kore koe e rongu, ka turi ranei koe i roto i te takiwa i whakaritea ki te whakapoutia i te whakahaere a tenei panui, tera koe e whiua kia utu i te moni kia kaua e neke atu i te kotahi pauna.

I tuhia i te o nga ra o , 19 .

Tiamana [Karaka ranei] o Rongokako Kaunihera
[Hiiri.] [o te Komiti Marae ranei].

Ahua B.

RAIHANA HOOKA.

Kia mohio koutou kua whakamanaia a , he tangata harihari taonga hei hokohoko, ki te hoko haere ona taonga i roto i nga kainga Maori o te takiwa o te Kaunihera o Rongokako mo te tau kotahi timata atu i tenei ra.

I tukua i raro te hiiri o te Kaunihera Maori o te Takiwa Maori o Rongokako, i te o nga ra o , 19 .

[Hiiri.] Tiamana [Karaka ranei] o te Kaunihera.

Ahua C.

RAIHANA PIRIO TE.

Kia mohio nga tangata katoa kua whai raihana a ki te whakahaere i tetahi whare-pirio i mo te tau kotahi i muri iho i te ra o tenei raihana, i raro i te mana o nga tikanga-whakahaere a te Kaunihera.

I tukua i raro i te hiiri o te Kaunihera Maori o te Takiwa Maori o Rongokako, i te o nga ra o , 19 .

[Hiiri.] Tiamana [Karaka ranei] o te Kaunihera.

I paahitia e nei tikanga-whakahaere i te hui o te Kaunihera Maori o te Takiwa Maori o Rongokako, i tu ki Mahitane i te 28 o nga ra o Mei, 1921, a i tukua atu i raro i te hiiri o te Kaunihera.

[Hiiri.] TAIAWHIO TE TAU, Tiamana.

Ina hoki te hainatanga a te Kawana-Tianara i tenei ra, 10 o nga ra o Oketopa, 1921.

J. G. COATES, Minita mo nga Mea Maori.

Whakaneke Arai i nga Tuku mo te Whenua Maori.

Tari Maori, Poneke, 13 o Pepuere, 1922.

HE whakaaturanga tenei ko te Ota Kaunihera o te 21 o nga ra o Maehe, 1921, arai i nga tuku paraiwe e katoa o te whenua Maori kua huaina i raro nei, haunga ia te tuku ki te Karauna ka tuwhera tera, ka whakanekehia mo tetahi atu ono marama e te Ota Kaunihera i tuhia i te 13 o nga ra o Pepuere, 1922.

KUPU APITI.

TAKIWA RUURI O HASTINGS.

Poraka.	Nga Eka.	E. R. P.
WAIPATUKAHU 1A 2 3 32
.. 3B 7 3 18

F. D. THOMSON,
Karaka o te Kaunihera Whiriwhiri.

Panuitanga Whenua Maori hei Whenua Karauna.

Tari Maori, Poneke, 8 o Pepuere, 1922.

HE whakaaturanga tenei runga i te Panuitanga i tuhia i te 8 o nga ra o Pepuere, 1922, ka panuitia te whenua e mau i roto i te Kupu Apiti i raro iho nei kua riro hei whenua Karauna.

KUPU APITI.

PARIHAKA Nama 54 Poraka; Tona nui e 201 nga eka e 3 nga ruuri e 32 nga paati; Takiwa Ruuri o te Cape.

J. G. COATES, Minita mo nga Mea Maori.

Panuitanga Whenua Maori hei Whenua Karauna.

Tari Maori, Poneke, 13 o Pepuere, 1922.

HE whakaaturanga tenei runga i te Panuitanga i tuhia i te 13 o nga ra o Pepuere, 1922, ka panuitia te whenua e mau i roto i te Kupu Apiti i raro iho nei kua riro hei whenua Karauna.

KUPU APITI.

NGATIHAUPOTO 7A 1 Poraka, Karaati 3948 ko tetahi wahi o te taha rawhiti o te Poraka e mohiotia nei ko Wahanga 1 o Tekiona 106, Poraka 1: Tona nui e 30 eka e 3 ruuri e 38 paati; Takiwa Ruuri o Opuake.

J. G. COATES, Minita mo nga Mea Maori.

Panuitanga Whenua Maori hei Whenua Karauna.

Tari Maori, Poneke, 13 o Pepuere, 1922.

HE whakaaturanga tenei runga i te Panuitanga i tuhia i te 13 o nga ra o Pepuere, 1922, ka panuitia te whenua e mau i roto i te Kupu Apiti i raro iho nei kua riro hei whenua Karauna.

KUPU APITI.

Ko tera nui whenua i roto i te Takiwa Whenua o Haaki Pei, Takiwa Rehitatanga o Powete Pei: Tona rahi 184 eka e 2 ruuri 19 paati, ko rota 1 i runga i D.P. 2665, ko wahi o Rota 2, D.P. 1500, wahi o Tahora 2c 3, Tekiona 2 Poraka, kei roto i Poraka III, Takiwa Ruuri o Koranga: i rohe ki te rawhiti e te rori 2529.9 riniki te roa; ki te tonga-rawhiti 12339.5 riniki; ki te tonga-rato e wahi o Rota 2, o Pahora 2c 3, Tekiona 2 Poraka, e 3430.3 riniki te roa; ki te raki rato e te whenua o te Karauna 12941.7 riniki te roa.

J. G. COATES, Minita mo nga Mea Maori.